

瓊凝神披夕秀盡力取朝英靈簡開塵篋寒
 燈之曉禁靜翻詞客系間難史官評天地寧
 舒慘山川自變更祗能分跡惠誰解等瑒彭
 項豈重瞳聖夔猶一足雙阮高酣麩藥莊達
 謝謙性辭齒無勞話寬心豈可感但從鑪冶
 煨莫愛蔚羅嬰硯撥萍根洗舟衝麥穗撐短
 牀編翠竹低几凭紅控霜信催楊柳煙容曷
 杜衡析排巢燕燕屏畫醉猩猩細檜堆嵐影
 飛泉撼玉瑋艸柳尋遠近握槊鬪輸贏襤履
 離披瓠簷垂礪磊橙忘情及宗炳抱疾過劉
 楨野饋誇菰飯江商賣蔗飭送神抱瓦鼓留
 客上窻統舉棧揮青劔鳴榔送遠鉦鳥行沉
 莽蒼魚隊破泓澄手戟非吾事腰鎌且發矧
 諒難求操操聊欲取鉦錚幾數蟲甘蓼還思
 鹿美萍愁長難自剪歌斷有誰賡未去師黃
 石空能說白珩性滿繞激浪言秀罷抽萌地
 僻琴樽獨溪寒杖屨清物齊消臆對戈倒共
 心盟絲曳靈妃瑟金涵太子笙幽棲膠竹塢
 仙處繹蓬瀛想象珠橋鳳追飛翠蓋鶯鶯簾
 深杳悄雲磬冷敲鐙錄字多階品華陽足弟

兄焚香疑一室盡日思層成匿影掩岷色呀
 空泐泐聲吾當管巨黍東去射長鯨

游茅山

杜荀鶴

步步入茅山仙家鳥徑分漁樵不到處麋鹿
 自成羣石面迸出水松頭穿破雲道人星月

下相次禮茅君

送喻鍊師歸茅山

李建勳

休糧知幾載臉色似桃紅半醉離城去單衣
 行雲中水聲茅洞曉雲影石房空莫學秦時
 客音書便不通

送許處士堅往茅山

潘佑

天壇雲似雪玉洞水如琴白雲與流水千載
 清人心君攜布囊去路長風滿林一入華陽
 洞千秋那可尋

宿茅山

徐鉉

茅許稟靈氣一家同上賓仙山空有廟舉世
 更無人獨往誠遺俗淳名亦累真當年各自
 勉雲洞鎮長春

茅山志卷之二十八

茅山志卷之二十九

火五

上清詞宗師劉大彬造

金蓮編

宋詩

將赴南徐任游茅山作 范仲淹

丹陽太守意何如先謁茅卿始下車展節事
 君三黜後收心奉道五旬餘因尋靈藥逢芝
 圃欲叩真關借玉書不用從人問通塞天教
 史隱棲仙居

寄張道者

有客平生愛白雲無端半老尚紅塵祗應金
 簡名猶在得見仙巖種玉人

寄道士張明真

田況

滄靜姿儀簡曠蹤結菴深對大茅峯坐忘世
 故愁應少道斷人情語亦慵萬里信音憑鶴
 到一厨煙火倩猿供幾時歸侍虛皇駕七色
 霞衣九色龍

游茅山

滕宗諒

句曲山中古洞天金堂玉室地相連方當蓬
 子知非日已過茅君得道年

寄張明真

王隨

紺髮丹顏氣粹和
大茅峯畔隱雲蘿
至人朝斗傳靈訣
先帝觀龍賜御歌
叮嚀瑞文眠徑草
統鯁神物戲池波
自慚五馬來塵外
一抱仙風幸已多

華陽通客

胡宿

小隱華陽客
山居不記年
酒中常有聖
碁下更無仙
校得廣陵散
注成秋水篇
吾纓今未濯
漸愧舊林泉

登茅峯

王安石

一峯高出衆峯顛
疑隔塵沙路幾千
俯視煙雲來不極
仰攀蘿藦去無前
人間已換嘉平帝
地下誰通句曲天
陳迹是非今草莽
紛紛流俗尚師傳

脩然杖屨出塵囂
雞犬無聲到泐寥
欲見五芝並葉老
尚攀三鶴羽輪遙
容溪影轉迷橫徑
仙凡風來得墮蕪
興罷日斜歸亦懶
更磨蒼屨認前朝

捫蘿路到半天窮
下視茅州杳靄中
物外真遊來几席
人間榮願付苓通
白雲坐處龍池

杳明月歸來鶴
馭空回首三君誰
更似子房家世有高風

中茅石上見徐鑑篆字

百年風雨草苔昏
尚有南唐筆法存
只恐終隨碑盡
西風吹燒滿秋原

謁觀妙宗師值晝寢

張方平

一枕清風靖館深
滿庭松檜鬱交陰
此時內景人難見
月在泥丸日在心

玉晨觀左紐檜

楊傑

華陽山裏千株檜
玉晨殿前一左紐
虬枝龍幹向朝曦
勢與榑桑鬪長久
亳州滴水太清宮
老子手植纒數九
一檜正與此樹同
蒂固根深應不朽
信知福地有靈木
栽種曾經上真手
君不見龍從火裏出
虎向水中生生理尚左
不尚石又不見天
輪左旋不休止
日月五星如磨蟻
左紐檜蘊至理
上士體之能不死

送洞元法師歸茅山

蔡肇

絳節飄飄下紫清
更參隱訣制頽齡
若逢方丈虎眉叟
來受囊中赤甲經

崇寧新閣連雲起
天篆浮空寶氣飛
帝遣群龍常護守
池潭風雨夜深歸

一菴晴昔共嶽峯
古木垂蘿歲月深
恐是三生房
次律要隨藤杖去
重尋

三茅風雨圖

筆間雲氣生
豪末紙上松聲聽
有無收得三茅風
雨樣高堂六月是冰壺

贈王荃

龔原

筌字子真富鄭公
客元豐中賜號冲照處士
元符三年從劉先生受上清錄
華陽洞便門
一夕忽開自左慈得進洞
宮旋閉且千載矣
華陽新報便門開
應爲高人受錄來
試問玉門砂
遠近未饒元放是仙才

寄茅山道友

丘濬

鳴鳳相邀覽德輝
松蘿從比與心違
孤峯萬仞月正照
古屋數間人未歸
欲助唐虞開有道
深慚茅許勸忘機
明朝又引輕帆去
紫朮年年空自肥

題茅山

陳輔

積金峯頂作屏遮
寶閣橫空疊彩霞
鶴駕往

來茅許宅龍耕交會郭楊家洞天有望人如玉塵世休觀事若麻我是方臺舊僚友盍尋歸路種雲芽

下泊宮

咸陽龍虎此飛昇二弟東山道亦成不見棠梨司命宅空餘丹井一泓清

長史比軒多種竹隱居南洞少栽花藍橋西路青青處拾得瑤兒似虎牙

玉蘭

道正虛至柔得芝一本生於木間木生石上根鬚連絡不可解過於白鵠廟之側樵斧斷取之猶金石也邦彥請乞於盧持壽叔文華陽之天諸洞府阿穴便門迷處所三君謂帝不知還帳冷祠空遺鶴羽玉津寶氣久成

芝術歌

周邦彥

腰靈木神芝時出土日精潛燭山自明人力窮搜神不與前年棟撓作新宮坎坎空巖響斤斧君來胎禽舞海雪君去山雲雜川雨是生朱草示塵寰故遣樵青入林葦蘂膏紫漆自堅栗下附天蘇蟠石鳩肉人但恐奇禍作

藥籠復憂神物取廬陵太守蘊仙風健骨清姿欲飛舉陰功除瘴民已悅靈藥引年天亦許願因服餌斷膏梁未讓南華養生主

華陽洞

張商英

素虎斑虬躡紫煙幾看滄海變桑田赤城玉筍尋真後又到華陽第八天

紫綬金章八十三衰殘不稱舊官銜煩君寫作歸田老野服偷然坐碧巖

南洞即事

張綱

胎仙誰遣到塵寰盡日清吟伴我閒不作沖天支遁想頗疑携箭佐卿還要追鸞駕煙霞上肯處雞羣伯仲間為語齊雲好看不他年我欲訪嶽山

送鶴還齊雲

張奎

贈華陽法師
師到華陽洞山華幾度開愁應常教物却遣世人來

將之豫章別葆光先生

張堅

西山喚我陪輕舉上館留君養大還莫起世間離別念他年相見兩童顏

鶴廟松開采茂者傷其根連枯其平誰種飛仙百丈梯風摧雨折昔人非憑誰寄語揚員外留取孫枝待令威

茅山雨中
踈踈霧雨闕朝晴不那浮雲先自生傳語洞靈休勒駕而今逋客已歸耕

華陽南洞
稽首游靈山駕言入華陽南洞極闕怪松深泉水香曲几妙隸畫鉅石刊靈章俛首闕雲門冷風襲綉裳守菴敬愛客暖我紫木湯遣我幾眼錢云是洞所藏往有尋幽徒入見黃金墻侈心或已起幾受奇鬼戕凡身倘會遇敢恨飛蓬霜更巧尺宅地便築安閒房朝披神芝圖暮試飢飯方

金牛穴

周文璞

凌兢下危梯頹偃坐深穴側身避雲霧偃面視日月藥苗護餘衍竹根蟻藏薛安知幽磻下有比太奇泓金牛鏗光采仙牒尚可閱岡頭春已半枸杞如點血便恐颯風興橫吹崖石裂

寄華陽道侶 三首

服事三茅過一生癡心只望羽車迎舊時手
種黃龍子今解草雲入太清
九錫碑亭日欲曛幽人跌坐對爐熏憑誰為
謝桓司馬句曲山中只白雲

羽扇臨玄圃霓裳上懸壇九枝松葉冷千葉
杏花殘

玉晨觀

風鳴長史昇天栢草護仙翁瘞劍瑩瑞像殿
前亡馬蹟秦龍池上有龍鳴

道中回望茅山

危亭插名嶽畢景扶鉤闌白鳥伺察過低即
若了寧去歲負笈游徑往元符間離留咄晝
靜洞戶生春寒奇哉老宗師作屋雲雨端竟
為殺蟲蛾不得升龍驚遺體既解脫故宮亦
燒殘今初已半舊千柱扶玄壇遂以兩不借
因復窮嶺屹入宅問玉斧採芝投金環墨沼
篆結宇丹臺氣成盤稽首大司命被髮綠映
山兩君控鶴從俱著漢小冠何當從之游惚
恍神觀還俗累復驅去羨樂鼎欲翻

燕口洞

田霖

燕口龍泓氣象清錢真此處有遺靈仙兄去
後師猶在女弟回時洞已為雲素尚如披素
練泉聲長似誦黃庭碧桃花發舊滿紫留與
人間作畫屏

玉晨鑒義的公見訪

毛友

曾看扁舟下國門風吹玉袖欲蜚仙經過弱
水三萬里邂逅長安五百年投老漸諧隨處
樂此生只有未償眠茅山木老堪饒斷服食
相依倘宿緣

次韻

翁彥深

聞道三茅五洞門翛然來往御風仙雲深駢
驥那容步松古龜蛇莫問年邂逅江頭披霧
語尋思巖畔枕流眠自憐天柱曾孫老句幽
清游合有緣

游茅山道中口占須徧游遍成章

周必大

千峯溧陽來勢若西南奔連拱三茅峯不敢
迫至尊三茅如軒懸次序儼弟昆正西關夷
途羣仙之所門至今下泊宮往往弭旗幡

送張達道還山

趙璠

騰借紅塵一日閒有勞妙語徹幽關豈知隱
几如南郭也愧移文向北山有意清風憐我
住無心孤月伴君還三茅若問今消息為報
逍遙天地間

棲白菴

呂江

門外竹千箇崖顛雨徑分奔泉流碎月高樹
礙行雲游客倦欲卧道人言少文但云秦學
士曾此過茅君

庚子歲除前一日游茅山尤表

犯寒出行過值此歲云除剛風駕颺輪送我
游清都華陽第八天仙聖之所居洞門劣容
人中寬如室廬橫前大溪水於鳥限塵區其
右萬石林錯落空翠圖茅菴著深秀細路綠
崎嶇幽泉見客喜頰亦類逃虛山深日易曛
捷徑趨元符琳宮照金碧天籟鳴笙竽側睨
白雲峯前瞻赤沙湖金壇簪百丈陰洞通七
途俯視人間世擾擾真蟲蛆蚤以凡陋質忝
分赤城符豈悟夙昔緣復造神靈墟平生夢
寐處恍若登華胥歸來拜綠章足力尚有餘

瑤館十六所安能徧邀娛窮探恨不盡大息
仍踟躕

華陽洞辭 三章

游九言

河漢澈碧霄暗九華仙子到凡塵涼夜山頭
吹玉笛纖雲卷盡月分明

香露濕草晶三五榮起看大地盡瑤瑤下界十門

人寂寂空山夜靜海波聲

仙子去眇雲程天風杳杳瓊環清回望九州

煙霧白千山月落影縱橫

大茅君像

曾極

面如頰玉碧壚寒散髮垂肩榭葉乾不向大
茅峯頂見世人只作伏羲看

寄溫尊師

趙師秀

幾度題書寄入山不知何處得書看莓苔石
上秋吟遠星斗壇中夜拜寒鶴改新名呼未

至碑逢斷刻打應難憶師每欲尋師去芝朮
裁成自可餐

山行

湯志道

攀藤緣絕壑野鹿場邊去鳥銜山果來落在
鹿眠處

寄凌山人

劉宰

星冠羽帔威儀傲新納官錢得屢歸慚愧三
茅老兄弟一生木食草為衣

游山和諸姪

陳序

山南細路半青霄人昔共游非俗交浮玉故
鄉驚上國埋丹清夢記中茅峯頭仙客歸黃

鶴石面靈根走翠蛟見說西園潭草芥手栽
寸栢已勝巢

茅山

楊至質

玉肺空浮已字山五門不鎖洞天寬紫花奇
餌秋香木紅焰難埋夜見丹書出一牛方木
草龍來三鶴各峯巒仙蹤寂寞高風遠誰為
先生指額癡

送茅山劉書記游南嶽

憶共住華陽晴藍紫木香空山今詣關吾子
亦游芳草露雙芒屨丹經一布囊好登祝融
頂紅橋進博桑

送林道士歸茅山

鄧道樞

多載事茅君麻衣與葛巾暇知人貴賤心鍊
己形神丁甲常為使王侯不得臣華陽歸洞

晚芝草幾回春

送玉海宗師還山

趙伯秀

湖澗天教十載閒玉經功就勝居壇驚塵天
目妨龍卧晚歲華陽望鶴還入詠玉噫丹關
近會心三笑直溪寒世緣歷盡仙緣熟坐斷
陪真向上關

茅山志卷之二十九